



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na tur alumno di Colegio Arubano y nan  
mayor(nan) y cuidado(nan)

Oranjestad, 6 di februari 2024

**COLAUA: 2023/2024–113**

Topico: Fecha y eventonan importante den luna di februari

Apreciabel mayor(nan)/cuidado(nan), alumnonan,

Luna di februari ta un luna cu hopi actividad. Siman pasa nos scol tabata anfitrión pa e proyecto di estudiante di Erasmus+. Tabata un siman hopi agradabel pa tur participante. Además, luna di februari ta caracteriza pa ta luna di Carnaval. Apart di esey nos lo informa bo den e carta aki di tur desaroyo tumando luga.

### **Parada Escolar**

Diabierna venidero, 9 di februari ta tuma luga e parada escolar. E aña aki SMAC a organisa e parada y tur scol a haya e posibilidad di participa. Ayera a haya e secuencia di participacion di e scolnan. Nos scol hunto cu Mon Plaisir y Educampus ta habri parada. Riba e dia ey e prome tres oranan di les lo sigui segun rooster y e di tres ora di les lo caba pa 9.30. Despues e participantenan na e parada escolar por prepara nan mes. Pa 10.30 e parada lo sali di Entertainment Center. Mas despues lo bin e rooster di e lokaalnan unda e participantenan por laga nan tas. Nos scol lo participa den e parada hunto cu Educampus y Mon Plaisir mavo y havo. E banda cu lo acompaña nos ta 'NFuzion. Tur e alumnonan cu ta participa, ta bisti un t-shirt blanco cu un imprenta cora di e tema 'amor'. E personal di scol lo bisti un T-shirt cora cu mesun imprenta na blanco. E otro gruponan ta sigui nos tras den e parada, pero no ta intencion cu e participantenan di cada scol bay mescla cu otro. Además di e miembronan di seguridad cu lo supervisa, tin un cantidad di 90 miembro di personal bisti cu e T-shirt cora, cu tambe lo yuda controla. E reglanan di scol ta vigente riba e dia aki. E parada ta caba na Plaza Turismo. Eynan e alumnonan por agrupa pa mira e resto di gruponan den parada of nan por cana bay bek scol via Longfellowstraat y Shakespearstraat. Te ora tur grupo caba di pasa, e alumnonan por cana bay scol via Vondellaan. Lo percura pa un alternativa pa e alumnonan cu no ta participa na e parada. Por busca nan 12.30 na e banda di Emma.

### **Busca T-shirts pa Parada Escolar**

E alumnonan, cu ta participa diabierna awo, por recoge nan T-shirt na lokaal 76, 77, 78 diaranson y diahuebs durante e prome y di dos pauze. E alumnonan mester muestra nan carnet di Colegio. Además, ta bende earplugs pa Afl 1.

### **Dialuna, 12 di februari scol ta cera**

Otro siman, 12 di februari ta dialuna di Carnaval. Riba e dia aki scol ta completamente cera.

### **Rooster di dialuna riba diamars, 13 di februari**

Pa motibo cu den e periodo aki tin hopi dialuna ta cay afo, lo draai riba diamars, 13 di februari e lesnan segun rooster di dialuna. Esaki ta para tambe riba e kalender anual cu a duna na comienso di aña escolar. Tecnicamente no ta posibel den Magister pa importa e rooster di dialuna pa diamars, 13 di februari. Pa e motibo aki lo pone e tareanan di diamars riba dialuna, 12 di februari.

### **Orario di lesnan reduci den conexion cu reunion di alumno**

For di diaranson, 14 di februari te cu dialuna, 19 di februari lo tuma luga e reunionnan di alumno. Pa e motibo aki lo reduci e orario di cada les cu 10 minuut. E rooster di les ta como lo siguiente:

- 1<sup>e</sup> ora 7.30 – 8.05 ora
- 2<sup>e</sup> ora 8.05 – 8.40 ora
- 3<sup>e</sup> ora 8.40 – 9.15 ora
- 4<sup>e</sup> ora 9.15 – 9.50 ora
- Pauze 9.50 – 10.20 ora
- 5<sup>e</sup> ora 10.20 – 10.55 ora
- 6<sup>e</sup> ora 10.55 – 11.30 ora
- 7<sup>e</sup> ora 11.30 – 12.05 ora
- 8<sup>e</sup> ora 12.05 – 12.40 ora

### **Anochi di informacion cu docente**

Despues di e reunionnan di alumno ta tuma luga anochi di informacion cu docente. E anochi aki ta tuma luga riba diamars, 20 di februari. Cada alumno por haci un cita pa papia cu maximo 3 docente. Pa e anochi aki Magister a manda un email automatico. Mayronan cu no a ricibi mail por tuma contacto cu administracion di scol.

### **Open dag riba 24 di februari**

Riba diasabra, 24 di februari nos ta organisa nos open dag. Riba e dia aki Colegio Arubano ta habri porta pa publico. E preparacionnan ta canando. Pa e dia aki mes ta buscando alumnonan cu kier yuda. E alumnonan por inscribi via e link aki: [link](#).

Nos ta consciente cu e luna di februari por bira poco desordena door di tur e actividad y cambianan. P'esey ta importante pa tene cuenta cu tur fecha pa tur cos cana debidamente. Nos ta desea tur hende hopi felicidad durante e actividadnan!

Cu cordial saludo,  
Den nomber di rectorado,



T.R. Croes M Ed  
Rector